



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CLXXXI. Extensio numeri Magistrorum pro Provincia Peruviana Ord. Eremit
S. August.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

traditio inter Superiores Gen. & Lectores super abolitione præd. Privilegiorum.

nalium Paulutii, Cafoni, Paracciani Praefecti Congregationis Episcoporum, & Regularium, ac Fabroni, melique infra scripti Secretarii fuerit in sensu, consulendum Sanctissimo Domino Nostro pro abolitione Statuti Tolentani, necnon aliorum Statutorum in Capitulis Generalibus Romano, & Victoriae editorum super Indultis, & Privilegiis Lectoribus, Praedicatoribus, & Magistris Novitiorum Ordinis Minorum Observantiae Reformatorem concessis, prout latius expressi serie, & Decreto edito, quod a Sanctissimo D. N. approbatum fuit. Nuper ex Lectorum praememorati Ordinis parte eidem Sanctissimo Domino Nostro expositum fuit, quod alias sub die 21. Junii 1709. in Sacra Congregatione Episcoporum, & Regularium, hac eadem promotam Superiores Generalium instantia super abolitione respectu dictorum Privilegiorum, & Indultorum, Ponente clar. mem. Cardinali Sancti Clementis rescriptum fuit - Nihil esse innovandum, proindeque ex his, aliisque praeteritis rationibus, quae a dictis Lectoribus adducebantur, & in eadem Congregatione particulari exhibitae non fuerunt, non esse locum abolitioni praedictorum Indultorum, & Privilegiorum dicebatur. Hinc denuo de mandato ejusdem Sanctissimi Domini Nostri, eadem particulari Congregatione habita die Jovis 29. Augusti 1720. & perpenis dicto Decreto Sacrae Congregationis Episcoporum, & Regularium, aliisque praeteritis rationibus praedictorum Lectorum, Eminentissimi Patres unanimiter fuerunt in sensu - Standum esse in Decretis sub die 18. Julii proxime praeteriti - J. D. Card. Paraccianus - J. Archiepiscopus Damascenus Secretarius.

Preces Superiorum Gen.

§. 1. Cum autem sicut dilecti etiam filii Superiores Ordinis praedicti Nobis subinde exponi fecerunt, ipsi Decretum hujusmodi, quo firmius subsistat, & servetur exactius, Apostolicae Confirmationis Nostrae patrocinio communiti plurimum desiderant; Nos specialem ipsis Exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, Decretum praesentium auctoritate Apostolica tenore praesentium approbamus, & confirmamus, illique inviolabilis Apostolicae firmitatis robur adjicimus; ac omnes, & singulos Juris, & facti defectus, si qui desuper quomodolibet intervenerint supplemus.

Confirmatio relati Decreti.

§. 2. Decernentes easdem praesentes Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quandocumque spectabit inviolabiliter observari: sicque in praemissis per quoscumque Judices Ordinarios, & Delegatos etiam Causarum Palatii Apostolici Auditores judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

Clausula.

§. 3. Non obstantibus praemissis, ac Constitutionibus, & Ordinationibus Apostolicis, necnon quatenus opus sit dicti Ordinis etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, & de verbo ad verbum insertis habentes, illis alias in suo robore permanentibus, ad praemissorum effe-

ctum hac vice dumtaxat specialiter, & expresse derogamus, ceterisque contrariis quibuscumque.

§. 4. Volumus autem, ut earundem praesentium Literarum transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum tam in Judicio, quam extra illud habeatur, quae haberetur ipsis praesentibus, si forent exhibitae, vel ostensa.

Datum Romae apud Sanctam Mariam Majorem sub Annulo Piscatoris die VII. Septembr. MDCCXX. Pontificatus Nostri Anno Vigesimo.

Extenditur numerus octodecim Magistrorum pro Provincia Peruviana Ordinis Eremitarum S. Augustini.

CLXXXI.

Constitut. ed. 1712. Febr. 26. P. 12. antus fuit numerus Magistrorum in Provincia Limana. Et Inn. XIII. Const. ed. 1721. Nov. 18. P. 1. reducitur numerus Magistrorum in Provincia Cassella.

CLEMENS PAPA XI.

Ad perpetuam rei memoriam.

Dat. 20. Oct. 1720. an. 20.

Exponi Nobis nuper fecerunt dilecti filii Fratres Provinciae Peruvianae Ordinis Eremitarum S. Augustini, quod cum in eadem Provincia numerus Religiosorum auctus sit, illiusque Conventus in statu satis diviti reperiantur, nec non in ultimo examine peracto Religiosi habiles & capaces ad consequendum Magisterii in Sacra Theologia gradum usque ad numerum quinquaginta, qui tamen laurea emerita donari nequiverunt, ex quo in Provincia hujusmodi octodecim Magistri in eadem Sacra Theologia numerantur, reperti fuerint, ipsi Exponentes, quo Religiosis praedictis novi ad studia, & virtutes stimuli addantur, numerum Magistrorum hujusmodi ad quinquaginta a Nobis augeri plurimum desiderant. Nobis propterea humiliter supplicari fecerunt, ut in praemissis opportune providere, & ut infra indulgere de benignitate Apostolica dignaremur.

Causa hujus extensionis, & preces Provinciae pro numero 50. Magistrorum.

§. 1. Nos igitur ipsos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis sententis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutas fore censentes, hujusmodi supplicationibus inclinati, de Venerabilium fratrum Nostrorum S. R. E. Cardinalium negotiis, & consultationibus Episcoporum, & Regularium, qui relationem dilectorum pariter filiorum modernorum Vicarii Generalis, & Procuratoris Generalis dicti Ordinis super praemissis eisdem Cardinalibus factam, viderunt, & jura deducta perpenderunt, consilio, octodecim magistrorum praedictae Provinciae numerum pro nunc ad viginti quatuor auctoritate Apostolica tenore praesentium extendimus, & in reliquis votum futuri Capituli Generalis exquiri mandamus; salva tamen semper in praemissis auctoritate Congregationis eorumdem Cardinalium.

Extensio numeri 18. Magistrorum ad 24. tantum.

§. 2. Decernentes easdem praesentes Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & spectabit in futurum in omnibus, & per omnia plenissime suffragari: sicque in praemissis per

Clausula.

quoscumque Judices Ordinarios & Delegatos, etiam Causarum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate, scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, nec non Provinciae, & Ordinis prædictorum, & etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 4. Volumus autem, ut earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in judicio, quam extra illud habeatur, quæ haberetur ipsis præsentibus, si forent exhibitæ vel ostensæ.

Datum Romæ apud Sanctam Mariam Majorem sub Annulo Piscatoris die VII. Octobris MDCCXX. Pontificatus Nostri Anno Vigesimo.

CLXXXII.

Confirmatur Concordia super divisione Provinciae Insulen. Ordinis Fratrum Capuccinorum.

Const. ed. 1712. Sep. 13. P. 12. constituta fuit æqualitas inter Custodias Provinciae Turonen. Et Bened. XIII. Const. ed. 1728. Dec. 16. P. 5. erigitur Provincia Alsation.

Dat. 17. Jan. 1721. ad. 21.

CLEMENS PAPA XI.

Ad perpetuam rei memoriam.

Nuper pro parte dilectorum filiorum Ministri Provincialis, & Definitorum Provinciae Insulen. Ordinis Fratrum Minorum S. Francisci Capuccinorum nuncupatorum Nobis expositum fuit, quod cum eorum Provincia in locis, & Terris, in quibus maxima adest idiomatum diversitas, constituta sit, propter ejusmodi, etiam idiomatum diversitatem, populorum utilitatem, bonum Conventuum, pacem, & Religiosorum concordiam, & præsertim, ut servitio charissimi in Christo filii nostri Ludovici Francorum Regis Christianissimi provideatur, nimirum, ut tam populi, quam Religiosi in temporalibus, sicut & in Spiritualibus necessariis levamentis minime destituantur, a dilectis pariter filiis Ludovici de Jul tunc existente Definitorum generali, & Ministro Provinciali Provinciae Parisien. dicti Ordinis, ac a tunc pariter existente Carolo Maria Ministro Generali Ordinis hujusmodi, ad hoc specialiter deputatis, conventio, & transactio facta, approbata, & confirmata, & in Capitulo mense Augusti anno 1687. celebrato ab omnibus vocalibus unanimiter subscripta, & hætenus sine interruptione observata fuit, itaut Primo Provincia prædicta juxta idiomatum diversitatem in duas Custodias nimirum Gallo-Belgicam, & Flandro-belgicam dividatur eidem Ministro Provinciali subjectas. Secundo, ut Minister Provincialis ex unaquaque Custodia sit eligibilis, & unaquæque custodia duos Definidores Nationales habeat: Tertio, ut in Capitulo celebrato pro Capitulo Generali qualibet Custodia suum Custodem ad Capitulum Generale mittendum habeat, & alia prout in Decreto

Causæ divisionis Provinciae in Custodias Gallo-Belgicam, & Flandro-belgicam.

Concordia Capitula super d. divisione in Capitulo Gen. 1687. approbatæ.

confirmatorio conventionis prædictæ plenius dicitur contineri.

§. 1. Cum autem, sicut eadem expositio subjungebat nonnullis prædictam conventionem electionum utcumque libertati præjudicare, & Sacris Canonibus contrariam esse videatur, ideoque dicti Exponentes, ut bona memorata procurentur, & malis alioquin resultandis occurratur omnes, & quoscumque defectus, qui in prædicta conventionem esse possunt per Nos sanari, eademque conventionem approbari, ac ratificari, electionesque in omnibus Capitulis in posterum in prædicta Provincia celebrandis juxta conventionem hujusmodi fieri posse plurimum desiderent. Nobis propterea exponentes prædicti humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur.

§. 2. Nos igitur ipsos Exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati de Venerabilium fratrum nostrorum S. R. E. Cardinalium negotiis, & Consultationibus Episcoporum, & Regularium præpositorum, qui relationem dilecti pariter filii moderni Procuratoris Generalis Ordinis hujusmodi super præmissis ad eosdem Cardinales transmissam viderunt consilio memoratam conventionem auctoritate Apostolica tenore præsentium approbamus, ratificamus, & qualemcumque defectum forsan in ea incursum itidem sanamus. Præterea permitimus juxta petita, ut deinceps electiones in omnibus Capitulis in prædicta Provincia celebrandis ad instar ejusdem Conventionis fiant.

§. 3. Decernentes easdem presentes literas firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, nec non quatenus opus sit Provinciae, & Ordinis hujusmodi, etiam Juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores, præsentibus pro plene, & sufficienter expressis & ad verbum insertis habentes illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub annulo Piscatoris die XI. Januarii MDCCXXI. Pontificatus nostri Anno Vigesimo primo.

Confirmantur Privilegia & indulta a Romanis Pontificibus Universitati Studii Generalis, & Collegio Doctorum Urbini concessa, cum nonnullis illorum declarationibus.

Preces Ministri, & Definitorum Provincialium.

Confirmatio recentis concordia.

Clausula.

CLXXXIII.

